

2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის

(ფიჭური სატელეფონო მომსახურების სახელმწიფო შესყიდვის 2023 წლის)

კონსოლიდირებული ტენდერ(ებ)ის

სატენდერო კომისიის სხდომის ოქმი № CON220000397 – 4

ქ. თბილისი

„28“ ნოემბერი, 2024 წელი

სხდომას ესწრებოდნენ:

ლევან რაზმაძე - სსიპ სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარე;

ილია ზეგიაშვილი - საქართველოს რეგიონული განვითარებისა და ინფრასტრუქტურის მინისტრის პირველი მოადგილე, სატენდერო კომისიის თავმჯდომარის მოადგილე;

ერეკლე ღვინიაძე - საქართველოს იუსტიციის მინისტრის მოადგილე, სატენდერო კომისიის წევრი;

ლერი ბარნაბიშვილი - საქართველოს ფინანსთა მინისტრის მოადგილე, სატენდერო კომისიის წევრი;

სერგო ჯანელიძე - საქართველოს თავდაცვის მინისტრის მოადგილე, სატენდერო კომისიის წევრი;

ვახტანგ ცინცაძე - საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

გიორგი ბუთხუზი - საქართველოს შინაგან საქმეთა მინისტრის მოადგილე, სატენდერო კომისიის წევრი.

სხდომის მდივანი:

ქეთევან ქადაგიძე - სსიპ სახელმწიფო შესყიდვების სააგენტოს ცენტრალიზებული შესყიდვების დეპარტამენტის უფროსი.

დღის წესრიგი:

„2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2022 წლის 4 ნოემბრის N2016 განკარგულების 1-ლი პუნქტის „ლ“ ქვეპუნქტის საფუძველზე, კერძოდ, 2023 წლის განმავლობაში ფიჭური სატელეფონო მომსახურების სახელმწიფო შესყიდვის მიზნით, 2022 წლის 02 დეკემბერს გამოცხადებული კონსოლიდირებული ტენდერის აუქციონის გარეშე (CON220000397) ფარგლებში ფიჭური სატელეფონო მომსახურების გაწევის ვადის გაგრძელება 2025 წლის 31 დეკემბრის ჩათვლით.

განიხილეს:

სატენდერო კომისიის აპარატმა სატენდერო კომისიას მოახსენა შემდეგი ინფორმაცია:

2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის კონსოლიდირებული ტენდერ(ებ)ის სატენდერო კომისიის 2022 წლის 19 დეკემბრის № CON220000397-2 სხდომის ოქმის საფუძველზე, 2023 წლის განმავლობაში ფიჭური სატელეფონო მომსახურების სახელმწიფო შესყიდვის მიზნით გამოცხადებულ კონსოლიდირებულ ტენდერში აუქციონის გარეშე (CON220000397) გამარჯვებულ პრეტენდენტებად გამოვლინდნენ - შპს „მაგთიკომი“ (ს/ნ 204876606) და სს „სილქნეტი“ (ს/ნ 204566978).

ამასთან, ზემოაღნიშნულ კონსოლიდირებულ ტენდერში (CON220000397) ფიჭური სატელეფონო მომსახურების გაწევის ვადად განისაზღვრა 2024 წლის 31 იანვარი.

სატენდერო კომისიის აპარატმა სატენდერო კომისიის წევრებს ასევე მოახსენა, რომ „2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2022 წლის 4 ნოემბრის №2016 განკარგულების მე-4 პუნქტისა და სატენდერო კომისიის 2023 წლის 12 დეკემბრის № CON220000397-3 სხდომის ოქმის საფუძველზე, სატენდერო კომისიის გადაწყვეტილების შესაბამისად, ფიჭური სატელეფონო მომსახურება გაგრძელდა 2023 წლის კონსოლიდირებული ტენდერის (CON220000397) ფარგლებში, ამავე ტენდერის პირობებისა და ტარიფების შესაბამისად, ახალი კონსოლიდირებული ტენდერის გამოცხადებამდე და გამარჯვებულ პრეტენდენტ(ებ)თან სახელმწიფო შესყიდვის ხელშეკრულებების გაფორმების პროცედურების დასრულებამდე, მაგრამ არაუგვიანეს 2024 წლის 31 დეკემბრის ჩათვლით.

ფიჭური სატელეფონო მომსახურების უწყვეტი და შეუფერხებელი მიწოდების სახელმწიფოებრივი და საზოგადოებრივი მნიშვნელობიდან გამომდინარე, აგრეთვე საბიუჯეტო სახსრების რაციონალური ხარჯვის პრინციპის გათვალისწინებით, სატენდერო კომისიის წევრებმა იმსჯელეს და მიზანშეწონილად მიიჩნიეს, რომ „2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2022 წლის 4 ნოემბრის №2016 განკარგულების მე-4 პუნქტის საფუძველზე, ფიჭური სატელეფონო მომსახურება ამჯერადაც გაგრძელდეს 2023 წლის კონსოლიდირებული ტენდერის (CON220000397) პირობებისა და ტარიფების შესაბამისად, ახალი კონსოლიდირებული ტენდერის გამოცხადებამდე, მაგრამ არაუგვიანეს 2025 წლის 31 დეკემბრის ჩათვლით.

ზემოაღნიშნულთან დაკავშირებით შენიშვნა არ გამოთქმულა.

სატენდერო კომისიამ დაადგინა:

1. „2023-2024 წლების განმავლობაში სხვადასხვა სახის საქონლისა და მომსახურების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2022 წლის 4 ნოემბრის №2016 განკარგულების მე-4 პუნქტისა და 2023 წლის კონსოლიდირებული ტენდერის (CON220000397) სატენდერო დოკუმენტაციის 10.1.13. ქვეპუნქტის საფუძველზე, ასევე, CON220000397 კონსოლიდირებულ ტენდერში გამარჯვებული მობილური ოპერატორების (პროვაიდერების) თანხმობის გათვალისწინებით, ფიჭური სატელეფონო მომსახურება გაგრძელდეს 2023 წლის კონსოლიდირებული ტენდერის (CON220000397) ფარგლებში, ამავე ტენდერის პირობებისა და ტარიფების შესაბამისად, ახალი კონსოლიდირებული ტენდერის გამოცხადებამდე და გამარჯვებულ პრეტენდენტ(ებ)თან სახელმწიფო შესყიდვის ხელშეკრულებების გაფორმებისა და შესაბამისი პორტირების პროცედურების დასრულებამდე, მაგრამ არაუგვიანეს 2025 წლის 31 დეკემბრის ჩათვლით.

2. დაევალოს სსიპ სახელმწიფო შესყიდვების სააგენტოს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.

3. წინამდებარე ოქმის გასაჩივრება შესაძლებელია თბილისის საქალაქო სასამართლოს ადმინისტრაციულ საქმეთა კოლეგიაში, გადაწყვეტილების ვებ-გვერდზე გამოქვეყნებიდან 1 (ერთი) თვის ვადაში, შემდეგ მისამართზე: ქ. თბილისი, დავით აღმაშენებლის ხეივანი, მე-12 კილომეტრი, N6 (საფოსტო ინდექსი - 0131).

ოქმის რედაქცია შეთანხმებულია სატენდერო კომისიის წევრებთან ელექტრონული ფოსტის მეშვეობით.